



ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA

2016



GODIŠNJI
IZVJEŠTAJ

Sadržaj

	Strana
Uvodna riječ predsjednika Skupštine	4
Izveštaj Nadzornog odbora za 2016. godinu	6
Izveštaj Upravnog odbora za 2016. godinu	8
Aktivnosti Stručne službe AMUS-a	16
Finansijski izvještaj o poslovanju za 2016. godinu	22

Prilozi:

Revizija finansijskih izvještaja nezavisnog revizora sa Bilansom stanja i Bilansom uspjeha samostalnog društva za knjigovodstvene i računovodstvene usluge.

UVODNA RIJEČ PREDSJEDNIKA SKUPŠTINE

AMUS je još jednu godinu, završio u znaku razvoja i jačanja. Ukupno 829 članova i preko 30.000 prijavljenih djela potvrda su da rastemo iz dana u dan.

Usvojili smo novi Statut, kojim je propisano da je svaki član AMUS-a ujedno i član Skupštine. Ta činjenica predstavlja pomak naprijed za naše udruženje, jer je već sljedećoj Skupštini prisustvovao veći broj članova. Pored toga, u protekloj godini smo se prvi put o nekom pitanju, o kojem odlučuje Skupština, izjašnjavali elektronskom i zemaljskom poštom. U tom duhu, nastav ćemo zajedno razvijati AMUS.

Pozicionirali smo se na regionalnom i međunarodnom planu, zaključili veći broj recipročnih ugovora (njih 18) u odnosu na prethodne godine, od kojih su posebno značajni oni zaključeni sa partnerima iz Hrvatske (HDS), Srbije (SOKOJ), Crne Gore (PAM CG) i Makedonije (ZAMP Makedonija), kao i onima iz SAD-a (BMI) te Njemačke (GEMA). Sve ovo jača naš položaj i u Svjetskoj konfederaciji autorskih društava (CISAC-u), koji nam je krajem 2016. godine dostavio prvu procjenu našeg razvoja te uočio značajan napredak. Prijem AMUS-a u stalno članstvo CISAC-a biće razmotren na Generalnoj skupštini CISAC-a koja će biti održana 8. juna 2017. godine.

U protekloj godini zvanično smo otvorili dvije podružnice: u Banjaluci i Mostaru. Na taj način uspjeli smo da autorima sa svih područja naše zemlje pojednostavimo proceduru prijavljivanja djela, a korisnicima izdavanje dozvola. Na protekloj Skupštini donijeli smo Odluku o pokretanju aktivnosti za kupovinu vlastitog poslovnog prostora, a konačnu odluku o tome donijeće Skupština AMUS-a. Nastaviti ćemo sa podrškom projektima značajnim za domaće muzičko stvaralaštvo, i ubrzati aktivnosti na izradi socijalne karte članova, te pomoći socijalno i zdravstveno ugroženim članovima. Za kulturne i socijalne namjene u 2016. godini izdvojili smo 10% prikupljenih sredstava.

Jačanje svijesti o poštivanju prava autora jedan je od stubova jačanja kolektivnog ostvarivanja tih prava. Stoga su od izuzetne važnosti kako za autore, tako i za korisnike stručni skupovi koje je AMUS u proteklom periodu organizovao u Banjaluci, Brčkom, Mostaru i Sarajevu.

Odnos AMUS-a s korisnicima sve je bolji, jer sve veći broj njih uviđa da pribavljanjem dozvole od AMUS-a ispunjavaju svoju zakonsku obavezu ali i jačaju muzičku kreativnost i kvalitet. Pozdravljam odnos organa AMUS-a sa elektronskim medijima, koji su u 2016. godini Stručnoj službi dostavili rekordan broj listi emitovanih djela, a pozivi za procentualno povećanje zastupljenosti domaćih autora u njihovim programima već daju pozitivne rezultate. Bolna tačka i dalje je odnos sa javnim RTV servisima, čemu se treba maksimalno posvetiti u narednom periodu.

U protekloj smo godini po prvi put organizovali manifestaciju na kojoj su dodijeljene nagrade istaknutim pojedincima iz oblasti muzičkog stvaralaštva i kulture. Također, posthumno dodijeljene nagrade dokaz su da AMUS ne zaboravlja svoje članove koji više nisu sa nama: naši Jadranka Stojaković i Esad Arnautalić.

Idemo dalje. Hrabro i odlučno. Za dobro svih autora.

Predsjednik Skupštine AMUS-a
Edin Dervišhalidović

IZVJEŠTAJ NADZORNOG ODBORA ZA PERIOD 2016. GODINE

U periodu 2016. godine, održano je ukupno 7 (sedam) sjednica Nadzornog odbora na kojima su analizirani materijali dostavljeni od strane AMUS-a, nad kojim se vršio nadzor i kontrola rada Udruženja.

1. KONTROLA I NADZOR NAD UPRAVLJAČKIM POSLOVANJEM

Cilj kontrole i nadzora bio je da se utvrdi pravilnost u donošenju i provedbi odluka Skupštine i Upravnog odbora vezanih za poslovnu, finansijsku i operativnu politiku. S tim u vezi, izvršen je nadzor i kontrola nad provedbom 53 odluke Upravnog odbora koje su donesene u periodu 2016. godine

Mišljenje Nadzornog odbora: U okviru kontrole donošenja odluka Upravnog odbora vezanih za poslovnu, finansijsku i operativnu politiku AMUS-a, Nadzorni odbor je utvrdio da su navedene odluke donešene u skladu sa normativnim aktima i predviđenim procedurama donošenja.

ZAKLJUČAK

Nakon provedene procedure kontrole donošenja odluka Upravnog odbora vezanih za poslovnu, finansijsku i operativnu politiku, Nadzorni odbor konstatuje da nisu uočene nepravilnosti u proceduri donošenja i provedbi odluka donesenih od strane Upravnog odbora, u ovom segmentu.

2. KONTROLA I NADZOR NAD FINANSIJSKIM I RAČUNOVODSTVENIM POSLOVANJEM

Izvršen je nadzor nad dokumentacijom koja je dostavljena od Stručne službe:

1. Pregled rashoda za 2016. godinu
2. Odobreni rashodi za 2016. godinu
3. Izvršenje rashoda za period od 1.1. do 31.12. 2016. godine
4. Analitika rashoda u periodu od 1.1. do 31.12. 2016. godine
5. Analitički pregled prihoda u periodu od 1.1. do 31.12.2016. godine
6. Planirani i izvršeni postupci nabavki u 2016. godini
7. Rekapitulacija plaća po mjesecima u periodu od 1.1. do 31.12. 2016. godine
8. Pregled isplata po ugovorima u periodu od 1.1. do 31.12. 2016. godine
9. Pregled naknada osoba angažovanih u pravnim, nadzornim i drugim odborima i radnim tijelima u periodu od 1.1. do 31.12.2016. godine
10. Analitički pregled naplate i raspodjele
11. Analitički pregled prihoda i troškova
12. Analitički pregled prihoda
13. Finansijski podaci o ostvarenim prihodima organizacije u toku finansijske godine razvrstane po vrsti prava i načinu iskorišćavanja autorskog dela ili predmeta srodnog prava (prihodi od javnog saopštavanja, javnog izvođenja, emitovanja, reemitovanja, posebne naknade i sl.)

Mišljenje Nadzornog odbora: U okviru kontrole i nadzora nad finansijskim i računovodstvenim poslovanjem, Nadzorni odbor je utvrdio da se finansijsko i računovodstveno poslovanje obavljalo u skladu sa normativnim aktima i predviđenim procedurama donošenja.

ZAKLJUČAK:

Nakon uvida u finansijsko i računovodstveno poslovanje AMUS-a, Nadzorni odbor je je konstatovao da se finansijsko i računovodstveno poslovanje obavlja u skladu sa važećim zakonskim, podzakonskim i internim aktima, te da nema uočenih nepravilnosti u vršenju ovih poslova.

3. KONTROLA I NADZOR NAD ADMINISTRATIVNIM POSLOVANJEM

Nadzorni Odbor je izvršio redovne kontrole i nadzora nad administrativnim poslovanjem internih akata i pravilnika.

Mišljenje Nadzornog odbora: U okviru kontrole i nadzora nad administrativnim poslovanjem, Nadzorni odbor je utvrdio da se administrativno poslovanje obavljalo u skladu sa normativnim aktima i predviđenim procedurama donošenja.

ZAKLJUČAK

Nakon provedene kontrole i nadzora nad administrativnim poslovanjem, Nadzorni odbor konstatuje da nisu uočene nepravilnosti u radu AMUS-a u periodu 2016. godine, u ovom segmentu.


Predsjednik Nadzornog odbora
Hamza Ražnatović

IZVJEŠTAJ UPRAVNOG ODBORA ZA 2016. GODINU

STATISTIČKI PODACI U 2016.

Proširivanje članstva AMUS-a

U toku 2016. broj članova AMUS-a se povećao za 133 autora, sa 696 na 829 što predstavlja povećanje od 19,1% u odnosu na 2015. godinu.




Broj novih ugovora sa emiterima:

AMUS je u 2016. godini imao 163 zaključena pojedinačna ugovora sa emiterima, 7 ugovora više u odnosu na 2015. godinu što predstavlja povećanje od 4,48%.



Broj dostavljenih listi emitovanih djela od strane emitera:

U radu sa emiterima, u 2016. je evidentiran porast broja dostavljenih listi emitovanih djela. Poređenja radi, u isplati iz 2015. godine obrađene su liste emitovanih djela koje je dostavilo 58 emitera, dok su u isplati iz 2016. godine obrađene liste dostavljene od 70 emitera. Već u novom obračunskom periodu, koji obuhvata drugu polovinu 2016. godine, a koji je isplaćen početkom 2017. broj je povećan na 102.



U 2016. godini AMUS je još aktivnije nastavio sa obilaskom emitera s područja Bosne i Hercegovine, kao veoma značajne kategorije korisnika sa aspekta raspodjele autorskih naknada. Upriličene su posjete 25 emitera iz gradova: Sarajevo, Banjaluka, Prijedor, Mostar, Travnik, Živinice, Konjic i Jablanica. Također, obavljani su razgovori sa predstavnicima ostalih emitera, te najavljene posjete u narednom periodu.


Broj donesenih odluka:

U toku 2016. Upravni odbor je donio 53 odluke, što iznosi 1,26 po sjednici, ili 4,4 mjesečno. U odnosu na 2015. u kojoj je donesena 51 odluka, ostvareno je povećanje od 5%.



Broj održanih sjednica:

U toku 2016. održane su 42 sjednice Upravnog odbora, što iznosi 3,5 mjesečno. U odnosu na 2015. u kojoj je održano 47 sjednica, ostvareno je smanjenje od 10,5%.



KROZ DVA KONKURSA U 2016. ZA DODJELU SREDSTAVA IZ FONDA ZA KULTURNE I SOCIJALNE NAMJENE PODRŽANO 45 PROJEKATA IZ OBLASTI KULTURE SA UKUPNIM IZNOSOM OD 185.175,89KM

U okviru dva konkursa za dodjelu sredstava iz Fonda za kulturne i socijalne namjene koji su objavljeni u februaru i julu 2016. pristigla je ukupno 71 prijava aplikacija na preko 1100 stranica dokumentacije za projekte iz oblasti kulture. Nakon razmatranja svih pristiglih aplikacija na ove konkurse Upravni odbor AMUS-a odobrio je sredstva za 16 projekata u ukupnom iznosu od 57.375,-KM u martu i 29 projekata u ukupnom iznosu od 127.800,-KM u septembru tako da je u 2016. godini AMUS iz Fonda za kulturne i socijalne namjene podržao 45 projekata iz kulture sa ukupnim iznosom od 185.175,89KM. Na ovaj način AMUS je dao značajnu podršku razvoju i održanju domaćeg muzičkog stvaralaštva kao i razvoju kulture uopšte kroz podršku u organizaciji muzičkih manifestacija u cijeloj BiH. Izuzetak u ovim projektima je grupa Halka za koju su odobrena sredstva u iznosu od 4000,- KM za planirani odlazak u Portugal i učešće na festivalu WOMEX na kojem, nažalost, nisu učestvovali te su pravovremeno izvršili povrat cjelokupnog iznosa odobrenih i isplaćenih sredstava.

Rezultati ovih konkursa sa svim aplikacijama su objavljeni na web stranici AMUS-a.

Rezultati konkursa iz marta 2016:

APLIKANT	NAZIV PROJEKTA	GRAD	ODOBRENA SREDSTVA
ZORANA GUJA	„PJESMOM BEZ GRANICA“	PALE	7.500,00 KM
SENAD BOSTANDŽIĆ	„BJELAVKO“	SARAJEVO	2.000,00 KM
UDRUŽENJE ART KUĆA	„BARIMATANGO“	MOSTAR	5.714,00 KM
SRPSKO PJEVAČKO DRUŠTVO IVA	„MUZIČKI KARAVAN“	DOBOJ	5.000,00 KM
MUZIKOLOŠKO DRUŠTVO REPUBLIKE SRPSKE	„DANI VLADE S. MILOŠEVIĆA“	BANJA LUKA	5.000,00 KM
NERMIN RAMIĆ	IZDAVANJE ALBUMA GRUPE CAMINO VERDE POVODOM 25 GODINA RADA	BIHAĆ	1.000,00 KM
UDRUŽENJE „MUZIKA SRCA“	RADIO EMISIJA „DOMAĆI ZA DOMAĆE“	BIHAĆ	1.000,00 KM
UDRUŽENJE „ALKATMERI“	„TEŠANJ SEVDAH FEST“	TEŠANJ	1.000,00 KM
SEMKA TORLAK	„NA IZVORU LJUBAVI“	SARAJEVO	2.291,89 KM
TAIK GANIĆ	ALBUM DJEČIJIH PJESAMA	TRAVNIK	4.500,00 KM
UDRUŽENJE „ZONA MUZIKE“	„DOKUMFEST 2016“	ZENICA	1.500,00 KM
ANSAMBL HALKA	„ANSAMBL HALKA NA WOMEX SAJMU 2016“	SARAJEVO	4.000,00 KM
HOR ZA MLADE I MALE „SUNCOKRETI“	KONCERT „DAN PLANETE ZEMLJE“	SARAJEVO	3.870,00 KM
AMIR MISIRLIĆ	„50 GODINE POP ROCKA U BIH“	VOGOŠĆA	3.000,00 KM
ALMIR AJANOVIĆ	„UČEŠĆE NA TAKMIČENJU ZA PJESMU EVROVIJIZIJE – EUROSONG 2016“	VOGOŠĆA	5.000,00 KM
JASMIN FAZLIĆ	„UČEŠĆE NA TAKMIČENJU ZA PJESMU EVROVIJIZIJE – EUROSONG 2016“	VOGOŠĆA	5.000,00 KM
UKUPNO			57.375,89 KM

Rezultati konkursa iz septembra 2016:

APLIKANT	NAZIV PROJEKTA	GRAD	ODOBRENA SREDSTVA
MAID MIROJEVIĆ	KONCERT „PJEVAM PJESNIKE“	SARAJEVO	1.500 KM
UDRUŽENJE „QUEEN ESTRADA“	BANJALUČKA GITARIJADA	BANJALUKA	3.500 KM
SAMIR FEJZIĆ	STUDIJSKO SNIMANJE NOVIH KOMPOZICIJA	SARAJEVO	3.000 KM
DINO MANGAFIĆ	INSTRUMENTALNI ALBUM „INSPIRATION“	SARAJEVO	2.500 KM
JAKOV JAKŠA JURJEVIĆ	SERENADE LUNERE	SARAJEVO	1.000 KM
ALEN EKMEČIĆ	NEW GAME	SARAJEVO	2.500 KM
BRANKA RADOŠEVIĆ MITROVIĆ	DIDAKTIČKI KONCERT „KARNEVAL ŽIVOTINJA“	BANJALUKA	6.700 KM
AMIRA LUKOVAC	ADI LUKOVAC „IN MEMORIAM“	SARAJEVO	6.000 KM
UDRUŽENJE MUZIČARA „ALKATMERI“ TEŠANJ	JUBILEJ „30 GODINA ALKATMERA“	TEŠANJ	2.000 KM
U.G. MAXIMUM POWER	NOVOGODIŠNJI DJEČIJI KONCERT „I DJECA ZNAJU PJEVATI“	SARAJEVO	8.000 KM
UDRUŽENJE „ART KUĆA“	„MOSTAR GIPSY FESTIVAL“	MOSTAR	3.500 KM
NAZIF GLJIVA	PROMOCIJA KNJIGE O MUZICI „TUGA I SREĆA ZLATNIH KOČIJA“	SARAJEVO	1.000 KM
UDRUŽENJE „JAZZ FEST“	20. JAZZ FEST	SARAJEVO	15.000 KM
ORGANIZACIJA „ARTZ PRODUKCIJA“	FESTIVAL SAVREMENE UMJETNOSTI „ARTZ“	TUZLA	10.000 KM
ADAM SUBAŠIĆ CUPI	MUZIČKI ČOKOLEND	SARAJEVO	5.000 KM
KUD SLAVKO MANDIĆ/ ETNO GRUPA TRAG	ZAVJEŠTANJE (II-FORIS)	LAKTAŠI	4.600 KM
KUD „BIJELO POLJE“	54. FESTIVAL PJEVAČA AMATERA BIH „PRVI GLAS BIJELOG POLJA – MOSTAR 2016“	MOSTAR	6.000 KM
OKC „URBAN ART“	URBAN WINTER FEST	JABLANICA	2.500 KM
UDRUŽENJE „MUZIČKI ATELJE U BOSNI I HERCEGOVINI“	MJUZIKL „KRALJ LAV“	ISTOČNO SARAJEVO	5.000 KM
UG DJEČIJEG HORA „VRAPČIĆI“	NOVI ALBUM „LJUBAV SPASIĆE SVIJET“	BANJALUKA	4.000 KM
MARINKO PEJIĆ	SKUP „POPULARNA GLAZBA I GLAZBENA NASTAVA“	SARAJEVO	2.000 KM
VAHIDIN NINO PRŠEŠ	„SEVDAH KONCEPT“	SARAJEVO	2.500 KM
DRAŠKO SPASOJEVIĆ	„IZVORNIJA“	RUDO	2.500 KM
JOSIP DUJMOVIĆ	ILUSTROVANA I ROMANSIRANA BIOGRAFIJA INDEXA „U INAT GODINAMA“	ZENICA	2.500 KM
HGU ŠIROKI BRIJEG	WEST HERZEGOWINA FEST	ŠIROKI BRIJEG	10.000 KM
BANJALUČKA FILHARMONIJA	MUZIČKI SUSRETI	BANJALUKA	10.000 KM
TEATAR UBUNTU	DEMODAYS 2016	BIJELJINA	2.000 KM
UDRUŽENJE „SEKVENCA“	ODJECI	BANJALUKA	3.000 KM
UDRUŽENJE MUZIČKIH UMJETNIKA I STVARALACA	JAVNA TRIBINA „SEVDALINKA-KULTURNO, HISTORIJSKO, NEMATERIJALNO BLAGO BIH“	TUZLA	3.000 KM
UKUPNO			127.800,00 KM

POMOĆ ČLANOVIMA AMUS-A IZ DIJELA FONDA ZA SOCIJALNE NAMJENE

Sredstva iz Fonda za kulturne i socijalne namjene su isplaćena i našim članovima zbog zdravstvene i egzistencijalne ugroženosti, stipendije maloljetnoj djeci naših preminulih članova kao i porodicama preminulih članova u skladu sa Pravilnikom o Fondu za kulturne i socijalne namjene.

Za socijalne namjene (po osnovu zdravstvene ugroženosti članova AMUS-a, socijalne/egzistencijalne ugroženosti članova AMUS-a, na ime pomoći najbližim članovima porodice preminulog člana AMUS-a, na ime novčane pomoći za maloljetnu djecu preminulih članova te stipendija djeci preminulih članova) AMUS je u 2016. godini iz Fonda za kulturne i socijalne namjene isplatio iznos od 136.283,69 KM.

MINISTARSTVO PRAVDE BIH PRIHVATILO NOVI STATUT AMUS-A


Iz Ministarstva pravde Bosne i Hercegovine je 21.03.2016. AMUS-u dostavljeno Rješenje o upisu promjena u Registar udruženja. Ovim Rješenjem Ministarstvo pravde BiH je upisalo u Registar novi Statut AMUS-a usvojen na Skupštini dana 15.02.2016. godine i verificovalo sve organe Udruženja što je rezultat velikog zalaganja u radu Predsjedništva, članova Upravnog odbora i uposlenika Stručne službe koji su uspjeli pronaći brojna rješenja i usaglasiti ponekad oprečne stavove Ministarstva pravde i Instituta obzirom da Zakon o kolektivnom ostvarivanju autorskih i srodnih prava i Zakon o udruženjima i fondacijama BiH nisu po svim pitanjima međusobno usklađeni.

U pronalaženju tih rješenja značajnu ulogu su, pored rukovodstva AMUS-a, imali upravo predstavnici ove dvije državne institucije koji su AMUS-u dali nesebičnu podršku, što je rezultat naših kvalitetnih međusobnih odnosa koje ćemo negovati i u budućnosti.

Ovaj dokument Ministarstva pravde BiH predstavlja još jedan u nizu važnih i velikih koraka u razvoju AMUS-a i kao udruženja i kao kolektivne organizacije za zaštitu prava autora muzičkih djela. Upisom novog Statuta u Registar stekli su se uslovi da AMUS zvanično otvori svoje podružnice u Banja Luci i Mostaru.

NA 17 TV STANICA U BIH POČELA REALIZACIJA PROJEKTA „SLUŠAJMO DOMAĆE“

Kroz jedan od važnijih strateških projekata kojem je cilj povećanje zastupljenosti emitovanja djela domaćih autora u medijskom prostoru BiH, potpisani su ugovori sa 17 TV stanica na cijelom području BiH koje će u sklopu ovog projekta u svom programu emitovati emisiju „Portret autora“. Prva emisija ovog ciklusa je posvećena Kemal Montenu a ono što nas posebno raduje je činjenica da je naišla na veoma dobar prijem i kod gledalaca ali i urednika tv kuća. Do kraja godine su se u sklopu ovog projekta emitovale i emisije o Jadranki Stojaković, Indexima i Zaimu Imamoviću.



DODIJELJENE GODIŠNJE NAGRADE AMUS-A

U čarobnom ambijentu Gradske vijećnice u Sarajevu 14.12.2016. je održana svečana dodjela nagrada Asocijacije kompozitora – muzičkih stvaralaca AMUS.

Na taj način AMUS je nagradio svoje članove čija su umjetnička dostignuća proglašena najboljim a bila su ostvarena, prikazana ili objavljena tokom protekle godine. Svečanosti su prisustvovali brojni članovi AMUS-a, zatim predstavnici domaćih i međunarodnih institucija u našoj zemlji te drugi gosti.



Nagradu „Avdo Smailović“ (za autorsko stvaralaštvo u području ozbiljne muzike) dobio je Asim Horozić, nagradu „Fra Grgo Martić“ (za promociju muzike naroda u BiH) Damir Imamović, dok je nagradu „Vlado Milošević“ (za muzičku publicistiku i muzikologiju) dobio prof. Ivan Čavlović.

Nagradu „Kemal Monteno“ (za autorsko stvaralaštvo u području zabavne/popularne muzike) dobio je Edin Dervišalidović, nagradu „Ismet Alajbegović Šerbo“ (za autorsko stvaralaštvo na temeljima tradicionalne muzike) Saša Pavlović i Miodrag Milekić, nagradu „Slobodan Bodo Kovačević“ (za autorsko stvaralaštvo u oblasti instrumentalne muzike) Muris Varajić a nagradu „Dražen Ričl“ (za najboljeg mladog autora) dobio je Đorđe Jovančić.



Nagrade za životno djelo potsthumno su dobili: Esad Arnautalić, Zaim Imamović, Ismet Alajbegović Šerbo, Duško Trifunović, Jozo Penava, Rade Jovanović, Safet Kafedžić, Jovica Petković, Spaso Berak, Kemal Monteno i Jadranka Stojaković.

Posebno emotivan trenutak bilo je podsjećanje na ove nezaboravne stvaraocce, a posebno na nedavno preminulog maestra Esada Arnautalića, u čije ime su nagradu primili njegova kćerka i sin, što je praćeno dugotrajnim aplauzom. Nagrada za životno djelo uručena je i istaknutom članu AMUS-a i renomiranom autoru Nazifu Gljivi. Nagrada „Cvjetko Rihtman“ (za najboljeg studenta muzičkih akademija u BiH) dodijeljena je ranije sljedećim studentima: Hanan Hadžajlić (Muzička akademija Sarajevo), Leonora Bajramoski (Muzička akademija Istočno Sarajevo), Marta Čolak (Muzička akademija Mostar) i David Mastikosa (Muzička akademija Banja Luka).

Povodom ovog događaja, direktor CISAC-a (Svjetske konfederacije autorskih društava) Mitko Chatalbashev, poslao je pismo podrške u kojem je čestitao AMUS-u na ovoj odličnoj inicijativi koja ima za cilj prepoznavanje i dalje podsticanje muzičke kreativnosti u Bosni i Hercegovini.






CIKLUS STRUČNIH SKUPOVA AMUS-A O ZAŠTITI AUTORSKIH PRAVA

Asocijacija kompozitora-muzičkih stvaralaca AMUS organizovala je ciklus Stručnih skupova o zaštiti autorskih prava koji su održani u Banjaluci, Mostaru, Sarajevu i Brčkom. Autorima i korisnicima muzičkih djela, kao i svim ostalim učesnicima dodatno je približen sistem kolektivnog ostvarivanja kao i rad AMUS-a koji na teritoriji BiH vrši tu djelatnost.

Ovaj veoma značajan projekat okupio je veliki broj autora muzičkih djela, članova AMUS-a, zatim predstavnike korisnika, institucija uključenih u provođenje zakona koji regulišu oblast autorskog i srodnih prava te predstavnika i polaznika visokoškolskih ustanova iz oblasti prava i umjetnosti.



IZVJEŠTAJ GENERALNE DIREKTORICE STRUČNE SLUŽBE

Iza nas je najuspješnija poslovna godina od kada AMUS ima status kolektivne organizacije. Stručna služba AMUS-a se u 2016. godini našla pred brojnim izazovima, ali se pojačanim aktivnostima na svim poljima, uspješno suočila sa njima.

Ukupno naplaćeni prihod AMUS-a u 2016. godini iznosio je 4.037.734 KM, što je više za 889.814 KM, odnosno 28,26%, u odnosu na 2015. godinu.

Ukupni troškovi Udruženja u 2016. godini su iznosili 1.206.479 KM, odnosno 29,8% naplaćenog prihoda.

Broj zaključenih ugovora sa korisnicima u 2016. godini iznosio je 2.089, što je povećanje od 134,97% u odnosu na broj zaključenih ugovora u 2015. godini (858). Povećanju broja ugovora sa korisnicima doprinijela je uspješna organizacija i sistematizacija radnih mjesta, razvijanje mreže ovlaštenih terenskih zastupnika AMUS-a, brojni sastanci kako sa udruženjima korisnika (Udruženje radnika u ugostiteljstvu i turizmu RS, URTEH...), tako i sa pojedinačnim korisnicima, ali i sve uspješnija saradnja sa policijskim i inspeksijskim organima, posebno u Republici Srpskoj. Nekoliko velikih korisnika zaključilo je ugovore u 2016. godini ali i sudskim nagodbama sa AMUS-om regulisalo plaćanje naknade za prethodni period. Ovdje posebno ističem ugovore sa najvećim trgovinskim lancima u našoj zemlji te nekoliko renomiranih hotela.

Uspješnijem poslovanju AMUS-a doprinijelo je i otvaranje podružnica AMUS-a u Banjaluci i Mostaru, što pokazuju pozitivne reakcije i autora i korisnika muzičkih djela. Ipak, najbolji pokazatelj sve uspješnijeg poslovanja jesu isplate autorskih naknada.

Sektor za pravne i opšte poslove AMUS-a i u 2016. godini je nastavio sa pokretanjem sudskih sporova, što je rezultiralo brojnim presudama u korist AMUS-a.

U 2016. godini objavili smo dva poziva na pregovore reprezentativnim udruženjima korisnika sa kojima još uvijek nemamo zaključen kolektivni ugovor. Pregovori sa Udruženjem hotelijera i restoratera (UHR) u 2016. godini nisu urodili plodom. Iako su značajno približeni stavovi obje strane, predstavnici UHR-a su iznijeli dodatne uslove i ustupke, na koje AMUS jednostavno nije mogao pristati. Pored toga, neizvjesno je i skorije formiranje Vijeća za autorsko pravo. Ipak, nadamo se da ćemo u 2017. godini postići dogovor i sa ovom kategorijom korisnika.

Kada je riječ o novim tarifama, zaključenjem ugovora sa preduzećem Željeznice Federacije BiH, u 2016. godini uspostavljena je tarifa za kategoriju „Vozovi“. U 2016. godini zaključen je Aneks 3. Kolektivnog ugovora u vezi sa korištenjem muzičkih djela emitovanjem, kojeg je AMUS zaključio sa udruženjima elektronskih medija. Taj aneks posljedica je Sporazuma o uspostavljanju i raspodjeli tarifa za korisnike-javne i privatne emitere radio i TV programa u Bosni i Hercegovini, kojeg su zaključile tri kolektivne organizacije za zaštitu autorskog (AMUS) i srodnih prava (AIS, FONOGRAM) sa tri udruženja elektronskih medija u Bosni i Hercegovini.

Stručna služba AMUS-a je u 2016. godini učestvovala u aktivnostima usklađivanja Statuta AMUS-a sa pozitivnim zakonskim propisima, što je rezultiralo upisom novog Statuta AMUS-a u Registar Udruženja kod Ministarstva pravde BiH. Stručna služba je sačinila niz novih pravilnika kao i izmjene postojećih pravilnika, koje je usvojila Skupština AMUS-a.

Resursi Stručne službe u 2016. godini u značajnoj su mjeri bili usmjereni i na međunarodni status AMUS-a, posebno u CISAC-u. Značajno povećanje broja zaključenih recipročnih ugovora u 2016. godini (posebno sa kolektivnim organizacijama iz susjednih zemalja) kao i naše aktivnosti na ispunjavanju strogih pravila CISAC-a, dovele su nas na korak do stalnog članstva u CISAC-u, čija je Godišnja skupština zakazana za juni 2017. godine a na kojoj će biti razmatrano ovo pitanje. Vjerujemo da ćemo od 2017. godini imati status stalnog člana u CISAC-u. Jačanje regionalne i međunarodne saradnje za nas je od izuzetne važnosti. Tome svjedoči i sastanak kolektivnih organizacija iz regiona kojeg je AMUS organizovao u maju 2016. godine.

AMUS je u 2016. godini ostvario i saradnju sa Evropskom asocijacijom kolektivnih organizacija (GESAC), pružajući podršku njenoj inicijativi pod nazivom „makeinternetfair“, koju je pokrenuo upravo GESAC a kojom se traži pravednija raspodjela vrijednosti od korištenja kreativnog sadržaja online. S druge strane, GESAC je pozdravio napredak AMUS-a.

Stručna služba AMUS-a se u 2016. godini dodatno angažovala na povećanju listi emitovanih djela koje dostavljaju emiteri. U isplati iz 2016. godine obrađene su liste dostavljene od 70 emitera, što je za 12 emitera više u odnosu na prethodnu isplatu. Još bolji rezultati vidljivi su iz obrade podataka s kraja 2016. godine za isplatu početkom 2017. godine, kada su obrađene liste dostavljene od 102 emitera.

Redovnim objavama svih važnijih informacija o radu Stručne službe i AMUS-a u opšte, nastavili smo sa transparentnim izvještavanjem naših članova na web stranici www.amus.ba te našoj Facebook stranici.


Planom rada Stručne službe predviđen je nastavak aktivnosti koje podrazumijevaju još efikasniju i kvalitetniju zaštitu prava autora muzičkih djela.

S poštovanjem,


mr. Lejla Trnčić
generalna direktorica Stručne službe AMUS-a

PRIKAZ PRIHODA // 2016


Ukupno naplaćeni prihod u 2016. godini iznosi: 4.037.734,00 KM, što je u odnosu na 2015. godinu povećanje za 889,814.00 KM ili 28.26%.



RAZVOJ I IZVOR PRIHODA




TREND PRIHODA I RASHODA // 2014-2016



DISTRIBUCIJA ČLANOVIMA // 2014 - 2016

OBRAČUNSKI PERIOD: 1.1.2014. - 31.05.2015.



OBRAČUNSKI PERIOD: 1.6.2015. - 31.05.2016.



OBRAČUNSKI PERIOD: 1.6.2016. - 31.12.2016.



█ OBRAČUNSKI PERIOD
█ NETO IZNOS (KM)
█ BRUTO IZNOS (KM)

MEĐUNARODNA SARADNJA

U 2013. godini AMUS je počeo sa zaključenim jednim recipročnim ugovorom sa stranom kolektivnom organizacijom. U 2014. godini zaključeno je još 6 recipročnih ugovora, a u 2015. godini novih 5. U odnosu na ovaj broj od ukupno 12 recipročnih ugovora na kraju 2015. godine, u 2016. godini je zaključeno novih 18 ugovora, tako da sa danom 31.12.2016. godine AMUS broji 30 recipročnih ugovora.

Od zaključenih ugovora u 2016. godini ističu se ugovori sa regionalnim sestrinskim organizacijama HDS ZAMP, SOKOJ, PAM CG, ZAMP Makedonija, kao i ugovori sa BMI (SAD) i GEMA (Njemačka). Popis svih zaključenih ugovora nalazi se u pregledu desno.

MEĐUNARODNA DISTRIBUCIJA

Povodom zaključenih ugovora u 2016. godini izvršena je raspodjela tantijema sa HDS ZAMP i SOKOJ kako slijedi:

DISTRIBUCIJA OD STRANE AMUS-a INOSTRANSTVU	Isplaćeni iznos
HDS ZAMP / Hrvatska	96.619,00 KM
Total	96.619,00 KM

DISTRIBUCIJA AMUS-u IZ INOSTRANSTVA:	Isplaćeni iznos
* HDS ZAMP / Hrvatska	23.871,00
** SOKOJ / Srbija	79.206,00
Total	103,077.00 KM

Napomene:

* Uplate se odnose na 2014. godinu.


** Uplate se odnose na 2014. i 2015. godinu.

*** Značajna razlika između naplaćenog i uplaćenog iznosa proizilazi iz činjenice da je velik broj članova AMUS-a kolektivno ostvarivanje svojih prava za teritorije izvan BiH povjerio drugim kolektivnim organizacijama, posebno susjednim, čime naknade iz tih zemalja ostvaruju direktno kao članovi tih organizacija, a ne posredstvom AMUS-a.

PREGLED MEĐUNARODNIH UGOVORA

AMUS je u svom dosadašnjem radu zaključio sa sljedećim autorskim društvima bilateralne ugovore o međusobnom ustupanju repertoara na bazi reciprociteta po osnovu prava javnog emitovanja / izvođenja i saopštavanja javnosti muzičkih djela.

Organizacija	Država	Organizacija	Država
AAS	Azerbejdžan	MSG	Turska
ABRAMUS	Brazil	MUSICAUTOR	Bugarska
ACAM	Costa Rica	OSA	Češka Republika
AKKA/LAA	Latvija	PAM CG	Crna Gora
ARMAUTHOR	Armenija	SACM	Meksiko
ARTISJUS	Mađarska	SGAE	Španija
ASDAC	Moldavija	SOCAN	Kanada
BMI	SAD	SOKOJ	Srbija
EAU	Estonija	SPAUTORES	Portugal
GCA	Gruzija	STEF	Island
GEMA	Njemačka	SUISA	Švicarska
HDS ZAMP	Hrvatska	UACRR	Ukrajina
KazaK	Kazahstan	UCMR – ADA	Rumunija
KODA	Danska	ZaiKS	Poljska
LATGA	Litvanija	ZAMP	Makedonija



FINANSIJSKI IZVJEŠTAJ O POSLOVANJU ZA 2016. GODINU

U skladu sa odredbom člana 20. (Godišnji izvještaj i revizija) stav (1) tačka a. ZKOASP-a („Službeni glasnik BiH“, broj 63 od 03.08.2010) u nastavku je godišnji izvještaj organa upravljanja i nadzornih organa o iznosu naplaćenih naknada, njihovoj raspodjeli, poslovanju kolektivne organizacije, izvršavanju kolektivnih ugovora iz člana 24. Ovog zakona.

Iznosi koji su dati u bilansu stanja i uspjeha su zbirni iznosi za ukupno poslovanje Udruženja.

Prihodi i troškovi za period 01.01.2016. – 31.12.2016	
Početno stanje na računu 1.1.2016.	1.530.261 KM
Ukupno fakturisani prihod	3.552.263 KM
Ukupno naplaćeni prihod *	4.037.734 KM
Ukupno nenaplaćeno	1.330.497 KM

Napomena: * Ukupno naplaćeni prihod je veći od ukupnog fakturisanog prihoda iz razloga što su u 2016. godini naplaćena i određena potraživanja iz ranijeg perioda.

BILANS USPJEHA NA DAN 31.12.2016.

A. PRIHODI	4.046.304 KM
Prihodi predstavljaju:	
- Ukupno naplaćeni prihod:	4.037.734 KM
- Prihodi od kamata i vanredni prihodi:	3.570 KM
- Prihodi iz budžeta	5.000 KM
B. RASHODI UKUPNO	4.046.304 KM
Ukupni rashodi predstavljaju:	
- Tantijeme isplaćene autorima + koncerti+rezervisanja*	2.456.320 KM
- Naknade za rad Predsjedništva, Upravnog odbora i Nadzornog odbora	115.038 KM
- Ostali ugovori	138.396 KM
- Troškovi uposlenika Stručne službe i sekretara sa doprinosima i ostalim obavezama	483.117 KM
- Materijal i energija	21.029 KM
- Usluge (Sudski troškovi i advokatske usluge, knjigovodstvo, takse, održavanje opreme, zakup i korištenje prostora, blagajna, provizija banci, troškovi telefona, Centrex, internet, domena, troškovi licence, softver (SUISA), troškovi oglašavanja u dnevnim listovima i Službenom glasniku. Ostali razni troškovi (poštarine, FIA, ovjeravanje dokumentacije, kopiranje materijala za Skupštinu i druge namjene, osavremenjivanje infrastrukture u prostoru za elektro-intranet mrežu i sl.). Ostale usluge (usluge unosa i obrade podataka, softversko rješenje za unos i korištenje podataka o korisnicima te praćenje izdatih i naplaćenih faktura. Usluge štampe (brošure, leci, baneri, promo materijal i sl.)	327.900 KM
- Amortizacija	10.224 KM
- Finansijski rashodi (police osiguranja)	591 KM
- Putni troškovi (u zemlji i inostranstvu)	61307 KM
- Humanitarni rashodi+ stipendije	136.284 KM
- Ostali rashodi - otpis potraživanja	4.468 KM
- Troškovi kulturnih namjena	246.630 KM
- Storno fakture iz ranijeg perioda	0
- Rashodi	45.000 KM
C. REZULTAT: višak prihoda	0

Ovaj iznos je rezultat razlike između A) prihoda i B) rashoda

Troškovi Udruženja su 1.206.479 KM, što predstavlja 29,80% od ukupnog naplaćenog prihoda .



Naziv pravnog lica **UG AMUS**
 Djelatnost **74.110**
 Sjedište i adresa pravnog lica **SARAJEVO, OBALA KULINA BANA 23-2**

Transakcijski računi (naziv banke i broj računa)
 UniCredit bank

(Banka) 3 3 8 9 0 0 2 2 0 5 8 6 2 1 6 9

(Banka) 0 0 0 0 0 0 0 0 0 0 0 0 0 0 0 0

(Banka) 0 0 0 0 0 0 0 0 0 0 0 0 0 0 0 0

4 2 0 0 9 6 0 1 2 0 0 0 4
 Identifikacioni broj za direktne poreze
 2 0 0 9 6 0 1 2 0 0 0 4
 Identifikacioni broj za indirektno poreze
 7 4 1 1 0
 Šifra djelatnosti po KD BiH 2006
 0 0 0 0
 Šifra djelatnosti po KD BiH 2010
 1 0 9
 Šifra općine

FINANSIJSKOPRIMANJSKO
 INFORMATIČKA AGENCIJA
 POSLOVNA JEDINICA SARAJEVO
 ISPOSTAVA CENTAR 3
 28-02-2017

BILANS STANJA
 na dan 31.12.2016. godine

Grupa konta (konto)	O P I S	AOP	Iznos po odbitku ispravke vrijednosti	
			Prethodne godine	Tekuća godine
1	2	3	4	5
	AKTIVA			
	A. STALNA SREDSTVA (102 do 108)	101	27.232	48.538
00	Nekretnine, postrojenja i oprema	102	27.232	48.538
01	Nematerijalna stalna sredstva	103	-	-
02,03	Dugoročni plasmani i potraživanja	104	-	-
04	Biološka imovina	105	-	-
05	Ulaganja u nekretnine	106	-	-
06	Sredstva namjenjena prodaji	107	-	-
08	Dugoročna razgraničenja	108	-	-
	B. TEKUĆA SREDSTVA (110 do 114)	109	2.212.542	3.067.442
10	Novac i novčani ekvivalenti	110	832.257	1.641.192
11, 12	Kratkoročni plasmani i potraživanja	111	1.226.538	1.426.250
13	Zalihe	112	-	-
14	Ulazni PDV	113	-	-
18	Kratkoročna razgraničenja	114	153.747	-
	SVEGA AKTIVA (101+109)	115	2.239.774	3.115.980

u KM

Strana 1

Grupa konta (konto)	O P I S	AOP	Iznos po odbitku ispravke vrijednosti	
			Prethodne godine	Tekuća godine
1	2	3	4	5
	PASIVA			
	A. TRAJNI IZVORI (117 do 119 - 120 + 121)	116	-	-
200	Trajni izvori	117	-	-
201	Rezerve	118	-	-
202	Neraspoređeni višak prihoda	119	-	-
203	Neraspoređeni višak rashoda	120	-	-
204	Revalorizacione rezerve	121	-	-
	B. DUGOROČNE OBAVEZE (123 + 124)	122	-	-
21	Dugoročne finansijske obaveze	123	-	-
28	Dugoročna razgraničenja i rezervisanja	124	-	-
	C. KRATKOROČNE OBAVEZE (126 do 129)	125	2.239.774	3.115.980
30	Tekuće obaveze	126	3.652	36.676
31,32	Kratkoročne finansijske obaveze	127	3.000	-
34	Obaveze za PDV	128	41.031	38.428
38	Kratkoročna razgraničenja i rezervisanja	129	2.192.091	3.040.876
	SVEGA PASIVA (116 + 122 + 125)	130	2.239.774	3.115.980

U SARAJEVO
 Dana 28.02.2017.godine

CERTIFICIRANI RAČUNOVOĐA
 Licenca br. 172/15
 Broj dozvole 0
 Kontakt telefon 033/668912



DIREKTOR

[Signature]

Naziv pravnog lica **UG AMUS**
 Djelatnost **74.110**
 Sjedište i adresa pravnog lica **SARAJEVO, OBALA KULINA BANA 23-2**

Transakcijski računi (naziv banke i broj računa)
 UniCredit bank

(Banka) 3 3 8 9 0 0 2 2 0 5 8 6 2 1 6 9

(Banka) 0 0 0 0 0 0 0 0 0 0 0 0 0 0 0 0

(Banka) 0 0 0 0 0 0 0 0 0 0 0 0 0 0 0 0

4 2 0 0 9 6 0 1 2 0 0 0 4
 Identifikacioni broj za direktne poreze
 2 0 0 9 6 0 1 2 0 0 0 4
 Identifikacioni broj za indirektno poreze
 7 4 1 1 0
 Šifra djelatnosti po KD BiH 2006
 0 0 0 0
 Šifra djelatnosti po KD BiH 2010
 1 0 9
 Šifra općine

FINANSIJSKOPRIMANJSKO
 INFORMATIČKA AGENCIJA
 POSLOVNA JEDINICA SARAJEVO
 ISPOSTAVA CENTAR 3
 28-02-2017

BILANS USPJEHA
 za period od 01.01. do 31.12.2016. godine

Grupa konta (konto)	O P I S	AOP	I Z N O S	
			Prethodna godina	Tekuća godina
1	2	3	4	5
	A. PRIHODI			
410	Članarina	131	-	-
411	Prihodi iz budžeta	132	5.000	5.000
412	Humanitarni prihodi	133	-	-
417	Prihodi od vlastite aktivnosti	134	2.778.694	3.555.833
418	Ostali prihodi	135	88.322	-
	Svega prihodi (131 do 135)	136	2.872.016	3.560.833

Strana 1

1	2	3	4	5
400	Materijal i energija	137	65.660	25.497
401	Usluge	138	198.457	327.265
402	Plaće i ostala primanja zaposlenih	139	578.509	736.551
403	Amortizacija	140	7.469	10.224
404	Finansijski rashodi	141	-	-
405	Putni troškovi	142	17.343	61.095
406	Humanitarni rashodi	143	136.318	45.850
407	Porezi i doprinosi koji ne zavise od rezultata	144	2.527	-
408	Ostali rashodi	145	1.865.733	2.354.351
	Svega rashodi (137 do 145)	146	2.872.016	3.560.833
	C. REZULTAT			
	Višak prihoda (136 minus 146)	147	-	-
	Višak rashoda (146 minus 136)	148	-	-

Strana 2

U SARAJEVO
 Dana 28.02.2017.godine

CERTIFICIRANI RAČUNOVOĐA
 Licenca br. 172/15
 Broj dozvole 0
 Kontakt telefon 033/668912



DIREKTOR

[Signature]

AMUS
NADZORNI ODBOR
Ul.Obala Kulina bana 22/II

14.03.2017
Br: M-02/03-17

Na osnovu člana 33. Statuta Asocijacije kompozitora-muzičkih stvaralaca
Bosne i Hercegovine, Nadzorni odbor donosi

MIŠLJENJE

o Izvještaju nezavisne revizorske kuće

Nakon analize izvještaja koji je dostavila nezavisna revizorska kuća Recons d.o.o. iz Sarajeva Nadzorni odbor o njemu daje svoje pozitivno mišljenje.

Ovaj Izvještaj će biti prosljeđen Skupštini AMUS-a na usvajanje.



Hamza Ražnatović
predsjednik Nadzornog odbora



Revizija. Računovodstvo. Finansijski konsalting
Azize Šaćirbegović bb Sarajevo

IZVJEŠTAJ NEZAVISNOG REVIZORA

članovima AMUS-a

Obavili smo reviziju priloženih finansijskih izvještaja Asocijacije kompozitora – muzičkih stvaralaca (AMUS) koji se sastoje od bilansa stanja na dan 31.12.2016. godine, bilansa uspjeha, izvještaja o novčanim tokovima i izvještaja o promjenama na kapitalu za godinu koja je završila na taj dan, te reviziju usklađenosti poslovanja sa Zakonom o kolektivnom ostvarivanju autorskih i srodnih prava, drugim relevantnim propisima i zaključenim ugovorima, te pregleda značajnih računovodstvenih politika i drugih zabilješki uz finansijske izvještaje.

Odgovornost Uprave

Uprava AMUS-a je odgovorna za vođenje knjigovodstvene evidencije u skladu sa Međunarodnim standardima finansijskog izvještavanja i za one interne kontrole za koje Uprava odredi da su potrebne za omogućavanje sastavljanja finansijskih izvještaja koji ne sadrže značajno pogrešno prikazivanje usljed prevare ili pogreške.

Odgovornost revizora

Naša odgovornost je izraziti mišljenje o priloženim finansijskim izvještajima na osnovu revizije koju smo obavili. Reviziju smo obavili u skladu sa Međunarodnim revizijskim standardima. Ti standardi zahtijevaju da postupamo u skladu sa etičkim standardima i planiramo, te obavimo reviziju na način da steknemo razumno uvjerenje o tome jesu li finansijski izvještaji bez značajnog pogrešnog prikazivanja. Revizija uključuje obavljanje procedura radi dobijanja revizijskih dokaza o iznosima i objavama u finansijskim izvještajima. Odabrane procedure zavise od revizorove prosudbe, kao i od procjene rizika značajnog pogrešnog prikazivanja finansijskih izvještaja usljed prevare ili pogreške. Za potrebe procjene rizika, revizor razmatra interne kontrole koje su relevantne za sastavljanje i fer prezentaciju finansijskih izvještaja AMUS-a u svrhu određivanja revizorskih procedura u datim okolnostima, ali ne i u svrhu davanja mišljenja o funkcionisanju internih kontrola. Revizija također uključuje ocjenjivanje adekvatnosti primijenjenih računovodstvenih politika i razumnosti računovodstvenih procjena Uprave, kao i ocjenu sveukupne prezentacije finansijskih izvještaja. Vjerujemo da su revizijski dokazi koje smo pribavili dovoljni i adekvatni da osiguraju osnovu za izražavanje našeg mišljenja

Mišljenje o finansijskim izvještajima AMUS

Prema našem mišljenju, finansijski izvještaji AMUS-a predstavljaju istinito, u svim značajnim aspektima, finansijski položaj AMUS-a na dan 31.12.2016. godine, rezultat poslovanja, promjene u kapitalu i novčani tok za period od 01.01. do 31.12.2016. godine, u skladu sa Međunarodnim standardima finansijskog izvještavanja.

Mišljenje o finansijskom poslovanju AMUS

Prema našem mišljenju, finansijsko poslovanje AMUS tokom 2016. godine je, u svim značajnim aspektima, usklađeno sa Zakonom o kolektivnom ostvarivanju autorskih i srodnih prava, aktima AMUS-a i zaključenim ugovorima.

Ne uslovljavajući naše mišljenje o finansijskim izvještajima za godinu koja završava na dan 31.12.2016. godine kao ni mišljenje o finansijskom poslovanju AMUS tokom 2016. godine, skrećemo pažnju na implikacije Rješenja Porezne uprave FBiH br. 13-09-02-15-11-480/15 od 03.06.2016. godine po finansijski položaj Asocijacije AMUS (detaljnije u zabilješci 9. Kontrola Porezne uprave FBiH, koja počinje na 34. strani revizorskog izvještaja).

RECONS d.o.o. Sarajevo

Nedžad Grcić, direktor

Sarajevo, 14.03.2017. godine



Ovlašteni revizori

Damir Nurkić, broj licence: 3090029129

Enver Beganović, broj licence: 3030162105

II OSNOVNI PODACI O AMUS-u

AMUS je Udruženje „Asocijacija kompozitora-muzičkih stvaralaca“ osnovano još 1946. godine. U decenijama postojanja kroz evidenciju je prošlo više hiljada članova. U postratnom periodu Udruženje je nastavilo svoj rad te je upisano u registar udruženja Ministarstva pravde Bosne i Hercegovine. Izmjene i dopune Statuta AMUS-a i usklađivanje sa odredbama novog Zakona o kolektivnom ostvarivanju autorskog i srodnih prava i Zakona o udruženjima i fondacijama su registrovane Rješenjem Ministarstva pravde broj: 01/6-67-RS/02 od 12.01.2012.godine. Posljednje izmjene i dopune, uključujući i upis novog Statuta AMUS-a u Registar udruženja Ministarstva pravde Bosne i Hercegovine, izvršene su 08.03.2016. godine.

Sjedište AMUS-a je u Sarajevu, Obala Kulina bana 22. Adrese podružnica AMUS-a su: Banjaluka, ulica Kralja Petra I Karađorđevića 85; Mostar, ulica Kneza Branimira bb.

Djelatnost AMUS-a je kolektivno ostvarivanje prava autora muzičkih djela.

Predsjednik Skupštine AMUS-a je Edin Dervišhalidović, a potpredsjednik je Julio Marić (do 15.02.2016. godine), odnosno Mladen Matović (od 15.02.2016. godine).

Članovi Upravnog odbora su:

- Davor Sučić, predsjednik od 03.11.2015. godine
- Nedim Babović, potpredsjednik od 29.03.2016. godine
- Igor Vukojević, potpredsjednik do 29.03.2016. godine
- Amir Šehić, član
- Ibro Mangafić, član
- Maja Sarihodžić, član
- Nedžad Imamović, član

Članovi Nadzornog odbora su:

- Hamza Ražnatović, predsjednik
- Almas Smajlović, član
- Zijo Rizvanbegović, član

Generalni direktor Stručne službe je Lejla Trnčić (od 15.12.2015. godine kao vršilac dužnosti, a od 05.01.2016. godine na mandatni period od 5 godina).

AMUS je registrovan za direktne poreze pod brojem 4200960120004, a za indirektno poreze pod brojem 200960120004.

Platni promet AMUS-a obavlja se putem transakcijskog računa kod Unicredit banke broj 3389002205862169. U 2015. godini je otvoren devizni račun (EUR) kod Unicredit banke.

Prosječan broj zaposlenih u 2016. godini je 16 (2015: 11).

III PRIMIJENJENE RAČUNOVODSTVENE POLITIKE

Finansijski izvještaji za 2016. godinu sačinjeni su u skladu sa odredbama Zakona o računovodstvu i reviziji, Međunarodnim standardima finansijskog izvještavanja (MSFI) i Računovodstvenim politikama AMUS Sarajevo. Valuta izvještavanja je konvertibilna marka (1 EUR = 1,9558 KM). Udruženje je pripremlilo svoje finansijske izvještaje u skladu sa računovodstvenom osnovom nastanka događaja, osim Izvještaja o novčanim tokovima koji je pripremljen na gotovinskoj osnovi. Primijenjene računovodstvene politike AMUS Sarajevo su usklađene sa odredbama Međunarodnih računovodstvenih standarda (MRS).

Prihodi i rashodi

Prihodi od pružanja usluga su priznati po izvršenju i fakturisanju usluga, koje kupac nije osnovano osporio.

Rashodi su priznati u bilansu uspjeha na osnovu direktne povezanosti između nastalih troškova i stavki prihoda, po principu sučeljavanja prihoda i rashoda. Priznavanje rashoda vrši se istodobno sa priznavanjem povećanja obaveza ili smanjenja sredstava.

Stalna sredstva

Stalna sredstva se početno vrednuju po nabavnoj vrijednosti. Nakon početnog priznavanja, stalna sredstva se iskazuju po nabavnoj vrijednosti umanjenoj za akumuliranu amortizaciju i gubitke od umanjenja vrijednosti. Amortizacija se obračunava tokom procijenjenog vijeka trajanja dugotrajne imovine.

Potraživanja od kupaca i obaveze prema dobavljačima

Potraživanja od kupaca se iskazuju u iznosima za koje se očekuje da će biti naplaćeni, odnosno po fakturnoj vrijednosti umanjenoj za ispravku vrijednosti (otpis potraživanja).

Obaveze prema dobavljačima se iskazuju u iznosima za koje se očekuje da će biti plaćeni, odnosno po fakturnoj vrijednosti.

Rezervisanja za autorske honorare

Rezervisanja za autorske honorare (odložene obaveze) na datum bilansiranja se evidentiraju u iznosu pozitivne razlike između ukupne imovine AMUS na datum bilansiranja i tekućih obaveza na isti dan.

Trošak rezervisanja za autorske honorare za period izvještavanja jednak je razlici u visini rezervisanja za autorske honorare na početku i na kraju perioda izvještavanja.

Rezultat perioda

Višak prihoda nad rashodima se, prije sačinjavanja finansijskog izvještaja, raspoređuje u korist rezervacije za autorske honorare, tako da se u bilansu uspjeha iskazuju ukupni prihodi i ukupni rashodi u jednakom iznosu, odnosno rezultat perioda u iznosu od 0 KM.

Višak rashoda nad prihodima se, prije sačinjavanja finansijskog izvještaja, pokriva na teret rezervacije za autorske honorare, tako da se u bilansu uspjeha iskazuju ukupni prihodi i ukupni rashodi u jednakom iznosu, odnosno rezultat perioda u iznosu od 0 KM.

Trajni izvori

Obzirom da se ukupna imovina AMUS, nakon podmirenja tekućih obaveza, rezerviše na ime budućih isplata autorskih honorara članovima AMUS, trajni izvori Udruženja se na datum bilansiranja iskazuju u iznosu od 0 KM.

AMUS Sarajevo
Revizija finansijskih izvještaja za 2016. godinu

IV FINANSIJSKI IZVJEŠTAJI

BILANS USPJEHA
za period 01.01.-31.12.2016. godine

Opis	Iznos	
	2016.	2015.
Prihodi od usluga	3.552.263	2.778.145
Prihodi iz budžeta	5.000	5.000
Ostali prihodi	3.570	88.871
Ukupni prihodi	3.560.833	2.872.016
Autorski honorari	1.970.849	1.865.733
Primanja zaposlenih	799.306	597.929
Usluge	325.603	198.457
Materijalni troškovi	21.029	13.827
Amortizacija	10.224	7.469
Ostali rashodi	433.822	188.601
Ukupni rashodi	3.560.833	2.872.016
Rezultat	0	0

BILANS STANJA
na dan 31.12.2016. godine

Opis	Iznos	
	31.12.16.	31.12.15.
Oprema i inventar	48.538	27.232
Stalna sredstva	48.538	27.232
Novac	1.641.192	832.257
Potraživanja iz poslovanja	1.330.497	1.226.538
Ostala potraživanja	10.006	68.000
Razgraničenja	85.747	85.747
Tekuća sredstva	3.067.442	2.212.542
Aktiva	3.115.980	2.239.774
Neraspoređeni višak prihoda	0	0
Trajni izvori	0	0
Autorski honorari (rezervisanje)	3.040.876	2.192.091
Tekuće obaveze	72.104	44.683

AMUS Sarajevo
Revizija finansijskih izvještaja za 2016. godinu

Pozajmice	3.000	3.000
Obaveze	3.115.980	2.239.774
Pasiva	3.115.980	2.239.774

IZVJEŠTAJ O NOVČANIM TOKOVIMA
za period 01.01.-31.12.2016. godine

Opis	Iznos	
	2016.	2015.
Višak prihoda/rashoda	0	0
Amortizacija	10.224	7.469
Smanjenje (povećanje) potraživanja	-45.964	-142.297
Smanjenje (povećanje) razgraničenja	0	
Povećanje (smanjenje) tekućih obaveza	27.420	2.535
Povećanje (smanjenje) rezervisanja	848.785	-467.020
A) Novčani tok operativnih aktivnosti	840.465	-599.313
Nabavka stalnih sredstava	-31.530	-4.499
B) Novčani tok ulagačkih aktivnosti	-31.530	-4.499
Primljenje (vraćene) pozajmice	0	0
C) Novčani tok finansijskih aktivnosti	0	0
Neto novčani tok od sveukupnih aktivnosti (A+B+C)	808.935	-603.812
Novac na početku perioda	832.257	1.436.069
Novac na kraju perioda	1.641.192	832.257

IZVJEŠTAJ O PROMJENAMA U KAPITALU
za 2016. godinu

Opis	Iznos
Neraspoređeni višak prihoda na 31.12.2014.	0
Rezultat za period 01.01.-31.12.2015.	0
Neraspoređeni višak prihoda na 31.12.2015.	0
Rezultat za period 01.01.-31.12.2016.	0
Neraspoređeni višak prihoda na 31.12.2016.	0



ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA

OBALA KULINA BANA 22
71 000 SARAJEVO, BOSNA I HERCEGOVINA
Tel: +387 33 25 53 00
Fax: +387 33 21 82 58
www.amus.ba
strucnasluzba@amus.ba

PODRUŽNICA BANJA LUKA

Veselina Masleše 1
78 000 Banja Luka, Bosna i Hercegovina
Tel/Fax: +387 51 217 477

PODRUŽNICA MOSTAR

Kneza Branimira 6
88 000 Mostar, Bosna i Hercegovina
Tel/Fax: +387 36 322 022